

SAKSPAPIR

Saksnr	Utval	Type	Dato
013/22	Ungdomsråd	PS	24.01.2022
	Formannskapet	PS	
	Heradsstyret	PS	

Saksbehandlar	ArkivsakID
Silje Solberg	22/241

Søknader om tilskot til inkludering av barn og unge 2022

Vedlegg:

Vurdering av søknadane skjema 2022

Rådmannen sitt framlegg til vedtak:

Rådmannen ber ungdomsrådet rangere søknadene i tråd med Bufdir sine mål for tilskotsordninga og lokale forhold.

Ungdomsråd - 013/22

UR - behandling:

Sakshandsamar las opp samandraget av dei tre søknadene, samt at ho gjekk gjennom Bufdir sine kriterium og kriterium basert på lokale forhold. Sakshandsamar la vekt på å ikkje leggje føringar for korleis ungdomsrådet skulle vurdere saka.

Ungdomsrådet delte seg i tre grupper, og gjekk gjennom avkrysningsskjemaet.

Espevoll stall og rideskole fekk 13 kryss i rubrikken "oppfylt".

Osterøy kunstlag fekk 11 kryss i rubrikken "oppfylt".

Osterøy museum fekk 12 kryss i rubrikken "oppfylt".

Talet på kryss avgjorde korleis UR rangerte søknadene.

UR - vedtak:

UR rangerer søknadene slik:

1. Espevoll stall og rideskole
2. Osterøy museum
3. Osterøy kunstlag

Saksopplysningar:

Saksopplysningar:

Hausten 2021 lyste Bufdir ut ei ny nasjonal tilskotsordning som kommunar, frivillige organisasjonar og private selskap kunne søkje på. Ordninga heiter «Tilskudd til inkludering av barn og unge».

Osterøy kommune har forplikta seg til å rangere søknadene i tråd med Bufdir sine kriterium og lokale forhold. «Søknadene må forankres på besluttende politisk eller administrativt nivå i kommunen. (...)

Ungdomsrådet skal gis anledning til å uttale seg om rangeringen. Uttalelsen fra ungdomsrådet bør

tillegges vekt i kommunens rangering.» (Veileder til kontaktperson i kommunen, punkt 1.6.)

Resultata frå Ungdata-undersøkinga på Osterøy i 2021 syner at barn og unge på Osterøy er nøgde med tilbodet av idrettsanlegg i nærområdet, og deltakinga i idrettslag er om lag den same som i resten av landet. Undersøkinga syner vidare at unge på Osterøy skil seg ut frå landsgjennomsnittet ved at delen som synest at tilbodet av lokale der ein kan treffe unge på fritida, er lav (31 % mot landsgjennomsnittet på 51 %) – og endå lågare når det gjeld delen som synest at kulturtilbodet er bra: 17 % mot landsgjennomsnittet på 58 %. Dette tyder at i kommunen sin rangering av søknadene, legg vi vekt på om søknadene kan forståast som

1. Eit kulturtilbod eller eit tilbod om idrett/fysisk aktivitet
2. Ein midlertidig møteplass for barn og unge som deler ei interesse

Målet med tilskotsordninga er å leggje til rette for at alle barn og unge skal ha moglegheit til meistring og samfunnsdeltaking. Målgruppa er barn og unge i alderen 0-24 år som av ulike grunnar står i fare for utanforskap. Det skal vere lave eller ingen kostnader for å delta på aktivitetane.

Det var tre søknader frå frivillige/private i Osterøy kommune til aktivitetstypen «kultur-, fritids- og ferieaktivitetar» i søknadsrunden i 2021.

Espevoll stall og rideskole: Ønskjer å tilby aktivitetsleirar for barn og unge i alderen 6-16 år i alle skuleferiane. Stell og mating av dyr, riding, køyre med hest og vogn, lage mat på bålpanne, pil og boge, lage sitt eige hesteutstyr, frisbee, lage kjepphestar m.m.

Tidsramme: Skuleferiane i 2022-2024.

Søknadssum: 1 350 000 kr.

Plan for rekruttering av målgruppa: Viser til Osterøy kommune.

Osterøy kunstlag: Vil legge til rette for at born og ungdom skal kunna oppleve trygghet, meistring og samfunnsdeltaking gjennom å uttrykka seg med og gjennom kunstnariske verkemiddel. Dei vil halde samlingar på 1-4 dagar, der dei unge får jobbe på kunstverkstad både ute i naturen og innomhus, med profesjonelle kunstnarar som støttande veileदारar. Dei vil ha totalt 16-20 dagar med samlingar gjennom heile året, der dei lengste samlingane skal vere i sommarferien (3-4 dagar), og kortare samlingar gjennom resten av året.

Stikkord er sanking frå naturen, ressursbruk, ularbeid, skulptur, teikning/maling, trykk og andre handverksteknikkar.

Aldersgruppe: 10-16 år. Det vert lagt opp til at nokre av dei kortare samlingane kan rettast meir mot 0-5 år, 6-9 år og 17-19 år.

Tidsramme: Sommarferien og gjennom året i 2022-2024.

Søknadssum: 633 000

Plan for rekruttering av målgruppa: Samarbeide med ungdomskoordinator som vil hjelpe til med å få tilbodet ut til grupper det er vanskeleg å nå gjennom eige nettverk. Annonser i aviser og på nett, gjennom kunstlaget sine kanalar.

Osterøy museum: «Skulefri på museet». To ulike typar aktivitetar på Osterøy museum i sommarferien 2022. Målet er å gje barn og unge ei god oppleving og meistring innan praktiske aktivitetar, som er forankra i tradisjonelle handverk- og mattradisjonar.

1. Kurs i tekstile teknikkar: Veving (4 dagar) og makrame (2 dagar). Deltakarane lærer vev- eller makrameteknikk, korleis ein kan bruke materialane og kva eigenskapar dei har. Målet

er at alle får god tid til å lære, øve og arbeide fram eit produkt slik at dei opplever meistring og får med eit resultat frå kurset.

Aldersgruppe: 10-16 år.

2. Familie- og aktivitetsdagar retta mot born i alderen 6-9 år, 1 dag i veka i perioden 19/6-7/8.

Døme på aktivitetar: Snekkarverkstad og spikking, plantefarging, koke blekk og lage papir, ullverkstad, bake stompakaker, lage spikersuppe, lage lakris av einebær, plukke rips, koke saft, skogsbingo, tur på Kulturstien, Osterøy i gamle dagar, kva veks langs vegen.

Tidsramme: sommarferien 2022.

Søknadssum: 146 000 kr.

Plan for rekruttering av målgruppa: Samarbeide med Osterøy kommune og «Sommar på Osterøy» slik at informasjon når ut til alle skuleelevane i kommunen og at ein fylgjer opp målgruppa spesielt. Byggje på erfaringane frå Sommar på Osterøy i 2021. Bruke Facebook og museet sine vanlege kommunikasjonskanalar.

Bakgrunn

Kommunar som får midlar gjennom tilskotsordninga, skal ha ein knutepunktfunksjon som koordinerer det frivillige og offentlege arbeidet i kommunen retta mot målgruppa. Knutepunktfunksjonen skal vere eit kontaktpunkt i kommunen for andre aktørar som arbeider for inkludering av barn og unge. Ungdomskoordinator har knutepunktfunksjonen i Osterøy kommune.

Vurdering

Folkehelse

Manglande deltaking i organiserte fritidsaktivitetar utgjer ein risikofaktor for utanforskap. Fritidserklæringa slår fast at alle barn og unge skal ha moglegheit til å delta jamnleg i minst éin organisert fritidsaktivitet.

Miljø

Delmål 11.4 i FNs bærekraftsmål nr 11, «bærekraftige byar og lokalsamfunn», er å «Styrke innsatsen for å verne og sikre verdens kultur- og naturarv».

Økonomi

Søknadsmidlane blir betalt ut direkte til søkar. Osterøy kommune har ikkje økonomisk ansvar for tilboda. Alle aktivitetane er planlagt å vere gratis for deltakarane.

Konklusjon

Ungdomsrådet blir bedt om rangere søknadane basert på vedlagte vurderingsskjema. Osterøy kommune vil følgje deira innstilling.